

Vom Fincken Herd / wie man auch Kephüner / Wachte
len / Fasanen vnd andere Vögel / mit einem Netz vnd
einem Hündlin fahen sol.



Enn man Fincken fahen wil / so sol man drey Bäume / welche man
abgehauwen / vnd darnach widerumb an einen ebenen Ort auffgerichtet / vnd
dreier Schuch weit von einander gesetzt hat / vnten her mit Aesten / als ein Hüt-
lin vmbgeben / darnach mitten durch ein Seil / so an einem ort an Stecken ges-
bunden / am andern von einer Gabel getragen würd / spannen / vnd von weitem
einen dasselbige strecken lassen. Man sol an das Seil zwen oder drey Fincken bins-
den / vnd dazu Leimrüttlin auff die vorgedachten Bäumlin stecken / Von dannen auch nicht weit
in zweyen oder dreyen Käfigen Fincken stellen / welche den ander fürfliegenden vnd fürstreichenden
Fincken herbey vnd herzu locken. Wenn sie denn herzu gelocket vnd herbey fliegen / vnd die jenigen /
so in Käfigen auff dem Herde sein / sehen wollen / bleiben sie an den Leimruten kleben / vnd also han-
gend gefangen werden. Es ist auch ein Netz Expegatorium genaüt / vnd ist groß / mit welchen man
Kephüner / Fasanen / Wachteln vnd andere Vögel / mit einem Hündlein darzu abgerichtet / zu fas-
hen pflegt. Wenn dieser Hund spüret / daß viel Vögel vor im seyn / so bleibet er stille stehen / vnd si-
het hinder sich seinen Herren an / wadelt mit seinem Schwanz / vnd also hiermit zu verstehen gibt /
daß die Kephüner oder ander Vögel vorhanden seyen. Alsdenn / sol der Vögeler das Netz vmbzie-
hen / vnd den Hund sampt den Vögeln bedecken / vnd fangen. Es ist auch sonst ein ander Netz /
welches mit Stänglin außgesetzt / vnd stets offen ist / es ist auch klein vnd für einen Mann allein /
vnd so denn der Hund die Vögel / wie auch zuvor / findet / so sol man sie mit demselbigen Netz zu-
decken.

Ein solches Netz hat auch der Vögeler / der mit dem Wachtelbein oder Pfeifflin die Wachte-
teln fahet. Die Wachtel Pfeiffen lauten gleich / wie das Wachtel Weiblin zu schlagen pflegt / wel-
chem Wachtel laut vnd schlagen / die Männlin mehr als die Weiblin nach zu lauffen
vnd zu folgen pflegen. Wenn denn die Vögel auff diese vnd andere
weiß herbey gebracht / so sol man sie geschwindt mit
dem Netz vmbgeben vnd fangen.